

**REZIMEI PODRŽANIH PROJEKATA**  
**kroz Javni poziv za jačanje kapaciteta organizacija civilnog društva sa područja TK**  
**objavljen 5. marta 2025. godine**

**Aplikant: Udruženje EESTEC LC, Tuzla**  
**Naziv projekta: Udruženje EESTEC LC, Tuzla**  
**Odobreno sredstava: 5.000,00 KM**

Organizacija se trenutno suočava s nizom izazova, uključujući nedostatak strateškog planiranja, neformalnu administrativnu strukturu i ograničene resurse. Organizacija nema vlastiti prostor za rad, a procesi su često ad hoc i neformalni, što otežava dugoročnu održivost i kontinuitet aktivnosti. Cilj projekta je osigurati dugoročnu stabilnost i održivost EESTEC LC Tuzla kroz strateško usmjeravanje i administrativno restrukturiranje, a benefite projekta osjetit će mladi (15-30) članovi i članice Udruženja, ali i drugi studenti Univerziteta u Tuzli. Kroz projekat, EESTEC LC Tuzla želi osigurati izradu strateškog i akcionog plana za narednih pet godina, uspostaviti dugoročan i struktuiran sistem transfera znanja dokumentovanjem i standardizacijom uspješnih praksi u organizaciji te ojačati institucionalnu podršku i partnerstvo od strane Univerziteta u Tuzli. Projektom je planirano dvodnevno Strateško planiranje za 14 članova upravljačkih struktura gdje će se pored ostalog, raditi i na planu lobiranja za adekvatan prostor. Paralelno, radne grupe će kreirati pravilnike i smjernice za unapređenje poslovanja Udruženja, uključujući upravljanje članstvom, PR, fundraising i administrativne procedure, uz optimizaciju web stranice. Također, planiran je trodnevni edukativni teambuilding za 30 članova iz BiH i regiona radi razmjene znanja i umrežavanja.

**Aplikant: Udruženje Feniks, Tuzla**  
**Naziv projekta: Osnajivanje mladih kao osnova zdravog društva!**  
**Odobreno sredstava: 3.350,00 KM**

Projekat ima za cilj jačanje kapaciteta organizacije, povećanjem članstva i angažmana mladih u Udruženju „Feniks“ i unapređenjem sistema prevencije u mentalnom zdravlju. Kroz šest edukativnih radionica fokusiranih na motivaciju, povezanost mentalnog i fizičkog zdravlja kroz art terapiju, te unapređenje socijalnih vještina i kompetencija, mladi će steći teorijska znanja i praktične vještine potrebne za rad s osobama sa psihosocijalnim poteškoćama. Pored radionica, biće kreiran priručnik/program koji sadrži smjernice za vođenje grupa za samopomoć, rad s mladima i vježbe, čime se osigurava dugoročan resurs za edukaciju i rad Udruženja. Projekat uključuje i unapređenje web stranice Udruženja „Feniks“, omogućavajući lakši pristup informacijama i prijavu na aktivnosti, čime se povećava vidljivost organizacije. Planirana je press konferencija, na početku projekta, kako bi se informisala javnost o značaju mentalnog zdravlja i aktivnostima Udruženja. Očekivani rezultati uključuju povećan broj mladih članova i volontera u Udruženju, poboljšanje psihosocijalnih vještina mladih kroz novi program Udruženja, te unaprijeđena vidljivost i transparentnost.



**Aplikant: Udruženje "Leptir", Doboj Istok**

**Naziv projekta: Prostor i web: Temelj za rast Udruženja Leptir**

**Odobreno sredstava: 4.750,00 KM**

Projekt „Prostor i web: Temelj za rast Udruženja Leptir“ ima za cilj jačanje kapaciteta organizacije budući interes donatora i povećanja transparentnosti udruženja u cilju osiguravanja održivosti organizacije, kao i osposobljavanje adekvatnog prostora za rad i umrežavanje, te povećanje vidljivosti koja će dovesti do povećanja broja članova, donatora, što će dovesti do bolje održivosti udruženja. Projektom planiraju adaptirati prostoriju Udruženja koja je trenutno u neuslovnom stanju, te izraditi web stranicu kako bi povećali svoju vidljivost i transparentnost i prema donatorima, ali i korisnicima. Postojeći prostor je u lošem stanju (vlaga, neopremljen), nije adekvatno uređen za potrebe udruženja i ne nudi odgovarajuće uslove za rad i umrežavanje. To dodatno otežava organizaciju volonterskih aktivnosti, sastanaka i realizaciju projekata, koji su ključni za održavanje dugoročnih odnosa s lokalnom zajednicom i partnerima. Nedostatak savremenih alata za komunikaciju sa zajednicom, poput web stranice, dodatno komplikuje situaciju, jer Udruženje ne može adekvatno predstaviti svoje aktivnosti, usluge i mogućnosti za angažovanje novih volontera, niti olakšati pristup informacijama članovima i partnerima

**Aplikant: Udruženje "MEDICUS" Tuzla**

**Naziv projekta: Jačanje i transparentnost SV MEDICUS**

**Odobreno sredstava: 2.150,00 KM**

Cilj ovog projekta je jačanje kapaciteta i transparentnosti Studentskog vijeća MEDICUS kroz poboljšanje promocije njegovih aktivnosti, povećanje broja aktivnih članova te unapređenje prepoznatljivosti u akademskoj i široj društvenoj zajednici. Ovo planiraju postići kroz dvije ključne aktivnosti: izdavanje besplatnog printanog časopisa PULSUS i modernizaciju web stranice Vijeća. Cilj projekta "Jačanje i transparentnost SV MEDICUS" je unapređenje kapaciteta, prepoznatljivosti i transparentnosti Studentskog vijeća MEDICUS kroz poboljšanje promocije aktivnosti i povećanje broja aktivnih članova. Projekat teži dugoročnoj održivosti Vijeća i jačanju studentskog angažmana. Ovaj projekat ima potencijal da značajno unaprijedi rad Studentskog vijeća MEDICUS i osigura njegov dugoročni razvoj. Kroz kvalitetnu promociju i povećanu vidljivost, podstaci će studente da se aktivnije uključuju, čime će Vijeće postati snažniji i efikasniji predstavnik studentskih interesa.